

Է. Տ. Կարապետյան

ՊԱՏՐՈՆԻՄԻԱՅԻ ՎԵՐԱՊՐՈՒԿՆԵՐԸ ՀԱՅԵՐԻ ՄԵՉ

(Ըստ 1961 թ. գիտաբնագրի նյութերի)

Հանրապետության նոյեմբերյանի շրջանում Հայկական ՍՍՌ ԳԱ հնագիտության և ազգագրության ինստիտուտի կազմակերպած ազգագրական գիտաբնագրի ժամանակ մեր հավաքած զաշտային նյութն ընդգրկում է գյուղացիական բնակչության ինչպես ժամանակակից կենցաղն ու մշակույթը, նույնպես և անցյալի հասարակական ու բնատնտեսական կենցաղը:

Հայերի անցյալի հասարակական կենցաղին վերաբերող բազմազան ու բնորոշ նյութերի միջից նպատակահարմար ենք գտնում առանձնացնելի դեռևս 19-րդ դարի վերջի, մասամբ էլ 20-րդի սկզբի հայ գյուղի իրական կյանքում համայնական-տոհմային կարգերի վերապրուկների հարմար բնորոշելու հնարավորությունն ընձևող նյութեր:

Տոհմային կարգերի ինստիտուտների վերապրուկային ձևերը կարելի է բաժանել երկու խմբի. առաջին խումբը՝ իրենց նախասկզբնական բովանդակությունը կորցրած, հայերի կենցաղում լուրջ որպես ծիսային, մնացուկային ձևեր պահպանած, դրանով իսկ գյուղի սոցիալական կյանքում որևէ էական դեր չխաղացող վերապրուկներն են, և երկրորդ խումբը՝ այդ տոհմային հարաբերությունների այն վերապրուկային ձևերն են, որոնք զգալի տեղ են բռնել հայ գյուղի սոցիալական, հասարակական և արտադրական կյանքում ոչ միայն զարգացած ֆեոդալիզմի պայմաններում, այլև արտադրության կապիտալիստական եղանակի ժամանակ, իսկ դրանցից մի քանիսը՝ նույնիսկ կոլտնտեսային շինարարության առաջին տարիներին:

Այս առումով շատ ուշադրով է Հայաստանի դանազան շրջաններում և մասնավորապես նոյեմբերյանի շրջանում գրառված ազգ¹ ազգակցական խումբը:

Ազգատոհմը դա նախահայր-հիմնադրից (որի անունը դառնում է համազգի անվանում) արական գծով յոթից-ութ, երբեմն ինը սերունդ, իրենց վարընթաց բոլոր ճյուղավորություններով հաշված, ազգակցական խումբն է: Ախպես, Բարանա (այժմ նոյեմբերյան) գյուղում նախապես հաշվվել է յոթ ազգ՝ Ամիրադյաններ, Թեմրադյաններ, Փափախյաններ, Ղադինյաններ, Ասատրյաններ, Մանթաշյաններ, Մարգարյաններ՝ առավել հին բնակիչները. մի փոքր ուշ ավելացել է ևս տասը տուն: Այդ տասնյոթ տնից, հետագայում աճելով և տրոհվելով, կազմվել է տասնյոթ ազգատոհմ, որոնք ներկայումս հաշվվում են 710 կոլտնտեսային ծովս: Առավել բազմամարդ ազգատոհմերն են՝ Անանյաններին, այժմ բաղկացած 103 ծխից, Ամիրադյաններին՝ 99 ծխից, Մամյաններին՝ 95 և այլն: Ընդհանուր է, կան այնպիսի ազգատոհմեր, որոնք հաշվվում են

¹ Քանի որ ազգ տերմինը ընդունված է ավելի բնորոշ հասարակական հասկացություն արտահայտելու համար, այստեղ այն փոխարինված է ազգատոհմ տերմինով:

ընդամենը 4—7 ազգակից ընտանիք: Հիշյալ ազգատոհմերի հիմնավորվելը տվյալ գյուղում վերաբերում է 18-րդ դարի երկրորդ կեսին: Ազգատոհմերի հիմնավորման այդքան ոչ խոր պատմությունը հնարավորություն է տալիս, հիմնովնելով բանասացների պատմածների վրա՝ համալրված տապանագրերով և առանձին ազգատոհմերի այս կամ այն ներկայացուցիչների կազմած ծագումնաբանական սխեմաներով, բավական հստակորեն վերականգնել առանձին ազգատոհմերի կազմավորման ընթացքը: Հետադոտված շրջանում գրառված է յոթ ազգատոհմի պատմություն, սակայն մենք սահմանափակվում ենք մի ազգատոհմի պատմության շարադրմամբ, որն իր հիմնական գծերով ընդհանուր է նոյն մերկայանի շրջանի ազգատոհմերի համար: Տարբերությունը դրսևորվում է այս կամ այն ազգատոհմի հիմնավորման ժամանակում, հետևաբար և՛ վարընթաց սերունդների թվի մեջ: Որպես օրինակ վերցնենք Մամյաններին կամ, ինչպես գյուղում են ասում՝ Բարանց ազգատոհմը: Բարանց ազգատոհմի հիմնադիր համարում են Արեմտյան Հայաստանից (այժմ՝ Թուրքիայի կազմում) գաղթած և 18-րդ դարի երկրորդ կեսին Բարանց գյուղում հիմնավորված գզրար Բարին: Բնակվելով Բարանայում, Բարը ամուսնանում է տեղաբնակ Ամիրաղյանների ազգատոհմից մի աղջկա հետ: Նրանից ծնվում է մի որդի՝ Մամը, Մամն ունենում է չորս որդի՝ Պապը (ծնված 1854 թ.), Խաչատուրը (1859 թ.), Արազը (1875 թ.), Ալեքսանը (ծննդյան թիվը անհայտ է): Ժամանակի ընթացքում, բազմացման հետևանքով, Մամի ընտանիքը որդիների թվին համապատասխան բաժանվում է չորս գույտը ընտանիքների: Հետագայում եղբայրների ընտանիքները տրոհվում են մեծ և փոքր ընտանիքների, և այսպես մինչև ութերորդ սերունդը, իսկ ազգատոհմի իններորդ սերունդը ներկայումս ներկայացնում են երեսները և ամուրիները: Այսպիսով, Բարանց ազգատոհմը կամ ըստ երկրորդ անվան՝ Մամյանները (վերջինս՝ Բարի որդի Մամի անվամբ), մոտ երկու հարյուր տարվա ընթացքում, սկսած ազգատոհմի նախահայր-հիմնադրի Բարանց գյուղում բնակվելու ժամանակից, մեծ և փոքր ընտանիքների տրոհման միջոցով հետևողականորեն բազմացել է, ըստ որում նրա կենդանի մասը հաշվվում է 95 ընտանիք:

Հետադոտված շրջանում ազգատոհմ ընտանեկան-ազգակցական կոլեկտիվի մեջ մտել են այն ընտանիքները, որոնք բնակավորվել են միևնույն գյուղում: Տվյալ ազգատոհմից ուրիշ գյուղ վերաբնակված ընտանիքն սկզբում հաշվվել է այդ ազգատոհմի կազմում, բայց ժամանակի ընթացքում, չորրորդ-հինգերորդ սերնդում, նա կազմել է ազգատոհմի նոր խոտորնակի գիծ և նրա հաշվումն արդեն կատարվել է վերաբնակված ընտանիքի գլխավորից: Եթե ազգատոհմից անջատված ճյուղը հաշվվում է յոթ և ավելի սերունդ, այն ընկալվում է որպես ինքնուրույն ազգատոհմ նույնիսկ այն դեպքում, երբ պահպանում է իր հին համադրատոհմային անվանումը: Այսպես, օրինակ՝ Նոյեմբերյանի շրջանի հինգ գյուղում (բուն Նոյեմբերյանում, Կոթի և Ղոշղոթան գյուղերում) կան նույն ազգանունը կրող ազգատոհմեր, օրինակ՝ Բարանց կամ Մամյանները: Բանասացների՝ հարցափորձելիս՝ այդ ազգատոհմերն արդյո՞ք միևնույն ազգատոհմի ճյուղավորումներն են, մենք ստանում էինք հակասական պատասխաններ. ոմանք կարծում էին, թե դրանք նույն ազգն են, ուրիշները, թե բոլոր երեք ազգատոհմն էլ բոլորովին ինքնուրույն են: Ենթադրում ենք, թե նշված երեք ազգատոհմը ժամանակին կազմել են մի ազգատոհմ հետագայում անջատված ընտանիքները վերածվել են ինքնուրույն ազգերի և ներկայումս նրան-

ցից յուրաքանչյուրը հաշվվում է վարընթաց գծով յոթից-ութ սերունդ: Նման պրոցեսը պետք է բացատրել, ըստ երևույթին, նրանով, որ ազգատոհմի նոր ճյուղերը տերիտորիապես անջատվելով, դրանով իսկ կորցրել են ընտանեկան-ազգակցական ազգատոհմ խմբավորումը բնորոշող հիմնական որոշիչ գծերը, որոնց մասին կասվի ստորև:

Բուն ազգատոհմն ներսում ավելի նեղ ազգակցական խմբավորում են հանդիսանում ազգատոհմի հիմնագրի որդիների ճյուղավորումները այն դեպքում, երբ դրանք մի քանիսն են: Այսպես, օրինակ՝ հիշյալ Բաբանց ազգատոհմում կա չորս ներազգի ճյուղ, սկիզբ առած Բարի չորս թոռներից՝ Խաչատուրանք, Արաղանք, Ալեքսանանք և Պասլանք: Իրենց տոհմային պատկանելությունը ցույց տալու համար, ասում են, թե Բաբանց ազգատոհմի Խաչատուրանց կամ Ալեքսանանց և կամ այլ ճյուղից են: Այդ ավելի նեղ ընտանեկան-ազգակցական խումբը, ի տարբերություն ազգատոհմից, տեղական խոսվածքում անվանվում է րարուն կամ րիբա: Առաջինը՝ թարունը, իրանական տերմին է, նշանակում է սերմ և Կովկասի շատ ժողովուրդների մեջ այն գործածվում է տոհմի, պատրոնիմիայի իմաստով, երկրորդը՝ թիրան լիովին համընկնում է իր թուրքական «ճյուղ», «գիծ» նշանակությանը: Ազգատոհմի մեջ առանձնացվում է էլ ավելի նեղ խմբավորում, քան թարունն ու թիրան են, գա այն խումբն է, որի մեջ մտնում են եղբայրների և նրանց որդիների ընտանիքները՝ ուղիղ վարընթաց և խոտորենակի գծերով. դա կոչվում է րիծոնք՝ «հորեղբայրների խումբ»:

Դեռևս անցյալ դարի վերջին, ազգատոհմը պահպանել էր տերիտորիալ, տնտեսական և գաղափարախոսական ընդհանրության տարրերը: Վերը արդեն խոսվեց գաղափարախոսական ընդհանրության մնացուկային ձևերի՝ ազգատոհմի ոչ այնքան հեռավոր նախահայր-հիմնադրին վերաբերող հիշողության պահպանման, ընդհանուր նախահոր անվամբ համագլխի անվանման կայունության մասին:

Հարկավոր է նշել նաև առանձին համազգատոհմային գերեզմանոցային տեղամասերի գոյությունը, որոնք նույնպես, ինչպես և ազգատոհմի բնակամասերը գոյություն, կոչվում են թաղ, իսկ նույն շրջանի Կոթի գոյություն գիտարշավախումբը առաջին անգամ դրառել է առանձին ազգատոհմերի գերեզմանոցների գոյության փաստը: Այդպիսին է Ամիրխանյան ազգի գերեզմանոցը, որի կողքին անցյալ դարի վերջում եղել է ժամանակին մի ազգատոհմ կազմած Ամիրխանյանների, Աղիգրեկյանների ու Շահնազարյանների թաղը: Նման գերեզմանոցներից յուրաքանչյուրում եղել է պաշտամունքային փոշնի ծառը:

Ազգատոհմ ընտանեկան-ազգակցական կոլեկտիվը պահպանել է նույնպես ազգակցական թաղերի գոյությամբ դրսևորվող տերիտորիալ ընդհանրությունը: Այդպիսի ընտանիքները ջանացել են լրակավորվել միմյանց կողքի: Եվ թեև անցյալ դարի վերջին, բուժանքի հետևանքով նոր կազմված ընտանիքները, տեղ չլինելու պատճառով ստիպված էին լինում լրակավորվել ազգովի թաղից դուրս, այսուհանդերձ, դրանք նոր, ճիշտ է արդեն ավելի նեղ՝ վերը հիշված և մինչև այժմ գոյություն ունեցող «րիծոնք» ազգակցական խմբավորմամբ, ազգակցական թաղ կազմելու միտում էին ցուցաբերում: Հետագոտված շրջանում ազգատոհմային թաղերը կորցրել էին իրենց միատարրությունը՝ տները խառնվել էին ուրիշ ազգատոհմերի տների հետ: Ազգովի թաղերին վերաբերող

հիշատակությունը պահպանվել էր Բարանց թաղ, Գիշոնց թաղ, Մրազանց թաղ և այլ անվանումների մեջ:

Թաղ-աղդի բնակավածության կարգը անցյալում նշանակալից զեր է խաղացել դյուզի արտադրական և հասարակական կյանքում, իսկ դրա որոշ մնացուկներն զգալի արդելակող գործոն են հանդիսացել կոլտնտեսությունների կազմակերպման շրջանում, բրիգադները տերիտորիալ սկզբունքով կազմակերպելիս, երբ դյուզի այս կամ այն թաղն ընդգրկող բրիգադը գրեթե ամբողջովին ազդակիցներից բաղկացած էր գուրս գալիս:

Լոկալ միասնության սկզբունքը պահպանվում էր ամռանը սար դնելիս: Ամառային արտադրությունում աղդակից բնտանիքները տնակներ էին շինում միմյանց կողքի: Ըստ որում, եթե դյուզերում, տերիտորիալ հնարավորությունների բացակայության հետևանքով, աղատոհմների թաղերն արդեն խախտված էին, արտադրությունում աղատոհմի լոկալ միասնությունը ղեկավարող դարի սկզբին շարունակում էր պահպանվել:

Աղատոհմի 19-րդ դարի վերջին ղեկավարում էր գույքային և արտադրական ընդհանրության տարրերը, որոնք հիմնականում արտահայտվում էին հողատիրության ձևերի և արտադրական ընկերությունները աղդովի սկզբունքով կազմակերպելու մեջ:

Նույնմրերյանի շրջանի դյուզերում հողը գտնվել է առանձին գյուղացիական բնտանիքների ժառանգական տիրության ներքո, ի տարբերություն Հայաստանի այն շրջանների, ուր հողը գյուղացիների օգտագործման ներքո է եղել: Հողի սեփականության այդ իրավունքը ձևով է բերվել ժառանգության ժամանակ անելու միջոցով անտառային խամահատներ բացելու հետևանքով: Առաջին բնակիչները հողանդակները յուրացրել են, ավելացնելով դրանք հարկավոր չափով, անտառային նոր բացատներ հարդարելու հաշվին: Ժամանակի ընթացքում, երբ անտառները ամբողջովին յուրացվել են, հողանդակները բաժանվել են այդ հողի ժառանգորդ-բնտանիքների թվին համապատասխան: Չնայած հողը, որպես պապերի ձեռք բերած սեփականություն, գտնվել է առանձին բնտանիքների փաստական տիրության ներքո, այն համարվել է համաղատոհմի սեփականություն: Մինչև այժմ ծերունիների հիշողության մեջ պահպանվում են վարելահողերի աղդովի անվանումները, այսպես՝ Բարանց հանդեր, Գիշոնց հանդեր, Մհալազանց հանդեր և այլն:

Հողանդակների համաղատոհմային տիրության մնացուկ է հանդիսանում ինչպես տնամերձ, նույնպես և վարելու հողակտորները առանց ամբողջ աղատոհմի համաձայնության վաճառելու իրավունքի բացակայությունը: Առանց աղատոհմի համաձայնության, առանձին բնտանիքի վաճառած հողը կարող էր վիճարկվել աղդի ամեն մի անդամի կողմից: Ծուխը մարելու ղեպքում, նրան պատկանած հողակտորը առաջին հերթին անցնում էր մերձավոր աղդակից բնտանիքներին, որոնք միմյանց միջև հավասար ախպերարածին էին անում այն, իսկ եթե չկային ախպիսիք, ասլա այդ հողի նկատմամբ իրավունք էր ունենում մահացածի ամեն մի հեռավոր աղդակուն, որպես այդ աղատոհմի անդամ:

Որբերի հողերը անցնում էին այն աղդականի ժամանակավոր օգտագործմանը, որը պարտավորություն էր ստանձնում պահել և դաստիարակել որբին մինչև նրա չափահաս դառնալը, որից հետո վերջինս դառնում էր հայրական հողի սեփականատերը: Իված բոլոր, մասնավորապես ժառանգության, զնման իրավունքի, վաճառքի հարցերը կարգավորվում էին բուն աղդա-

տոհմի, սովորաբար տվյալ ազգատոհմի մեջ մտնող տանտերերի, լուրջ ընտանիքների գլխավորների կողմից և կարիք չէին զգում որևէ այլ ձևակերպման: Հողակտորները, ճիշտ այնպես, ինչպես շարժական և անշարժ ունեցվածքի լուրջ տեսակները, անկախ լաժանվող ընտանիքների անդամների թվից, հավասար ախպերաբաժին են արվում, ի տարբերություն Հայաստանի այն շրջանների, ուր հողը գտնվում էր գյուղացիների օգտագործման ներքո և գյուղական համայնքը, պարբերական վերաբաժանումների միջոցով, կարգավորում և վերահսկում էր գյուղացիական ընտանիքի առկա: անձերի թվին համապատասխան ընկնող լաժնի հողակտորների չափերը:

Հողից բացի, Նոյեմբերյանի շրջանի գյուղերում ազգատոհմային սեփականություն են հանդիսացել ընկույզի ծառերը, որպես երկարակյացներ, նույնպես և արտադրության թանկ արժեքող միջոցները, ինչպես օրհնակ՝ ջրաղացները: Այսպես, բուն Նոյեմբերյանում հաշվվել է տասնչորս ջրաղաց և դրանք լուրջ համարվել են ազգատոհմային, ժառանգվել են ջրաղացները շինողների սերունդների կողմից՝ ախպերաբաժնի սկզբունքով: Այդ ջրաղացների ազգատոհմային անվանումները՝ Արուխնանց, Փափախչոնց, Մրաղանց, Գիշոնց և այլն, մինչև այժմ պահպանվում են:

Մեծ հետաքրքրություն է ներկայացնում համազդի ջրաղացներից օգտվելու կարգը: Ազգատոհմային ջրաղացները երկակի են շահագործվել: Այսպես՝ Մրաղանց ջրաղացը օգտագործվել է հետևյալ կերպ՝ վարձվել է ջրաղացպան, նրան վճարվել է եկամտի մեկ երրորդը, իսկ երկու-երրորդը սկզբում երկու ախպերաբաժին է արվել՝ ջրաղացը կառուցող Մրաղանց ազգատոհմի հիմնադրի երկու որդիների վրա, ապա թիրաջի ներսում այդ կիսաբաժինները ախպերաբաժին են արվել տվյալ թիրաջի մեջ մտնող լուրջ ընտանիքների միջև:

Ազգատոհմային ջրաղացների շահագործման մյուս եղանակը, դա այն օրերի լաժանումն է ազգատոհմի թիրա-ճյուղերի միջև, որոնց ընթացքում ջրաղացը կարող էր օգտագործվել, և այս կամ այն թիրաջին լաժնի ընկնող օրերի ընթացքում աղացվում էր այդ թիրաջի լուրջ ընտանիքների հացահատիկը: Այսպես, Մամյանների ջրաղացը օգտագործում էին չորս թիրա՝ Մամի չորս որդու ժառանգները: Ամեն մի թիրաջի հասնում էր տասնհինգ օր: Եթե լաժմանդամ թիրաժն չէր տեղավորվում իրեն լաժին ընկնող ժամկետում, նա կարող էր օգտվել մյուս թիրաջի ազատ օրերից առանց որևէ վճարի: Ջրաղացի հարկը հավասարապես լաժանվում էր ազգատոհմի լուրջ ընտանիքների միջև: Ջրաղացների շահագործման նկարագրած ձևի մեջ դժվար չէ տեսնել արտադրության թանկարժեք միջոցների համատոհմային օգտագործման բավական հնազույն կարգը:

Ազգատոհմի արտադրական ընդհանրություն մնացուկային ձևերից է աշխատանքային ընկերությունների՝ համդյալների կազմակերպումը: Այդ ընկերություններն անցյալ դարի վերջին խառն կազմ ունեին, նրանց մեջ մտնում էին ինչպես ազգակից, նույնպես և հարևան ընտանիքներ, որը բացատրվում է ազգակցական թաղերի քայքայումով: Ավելի վաղ ժամանակներում ընկերությունները կազմվում էին ազգատոհմային սկզբունքով: Այդպիսի ընկերություններից է Լոկի գոթանի համդյալությունը, երբ ազգակից ընտանիքները միացնում էին ամբողջ անհրաժեշտ դույքը, քաշող և աշխատող ուժերը և հերկում էին համդյալության լուրջ անդամների հողերը: Այն դեպքում, երբ դույք կամ աշխատութ չունենալու պատճառով ընտանիքը չէր կարողանում մտնել ընկե-

րություն մեջ, նրա հողամասը հերկում էին առանց որևէ փոխհատուցման, իսկ աշտինների հողամասերի հերկումը այդ ընկերությունների սուրբ պարտականությունն էր:

Համազգատոհմային օգտագործման ներքո ինն գտնվում անասունների ամառային արոտավայրերը և ձմեռանոց-գոմահանդերը: Լրոտավայրերը, ինչպես և հողանգակները կրում էին համազգատոհմի անվանումներ՝ Մեհվազանց գոմեր, Գիշոնց գոմեր, Բարանց թալա և այլն:

Այդ համազգատոհմային արոտավայրերի և ձմեռանոցների օգտագործումը կատարվում էր հետևյալ կարգով: Տվյալ ազգատոհմի մեջ մտնող բոլոր ընտանիքների հոտերը միացվում էին միմյանց: Սովորաբար անասունների բազմաքանակ հոտ ունեցող հարուստ ընտանիքը հովիվ էր վարձում կամ թե այդ պարտականությունը գրվում էր այդ ընտանիքի անգամներից մեկի վրա: Ըստ որում յուրաքանչյուր ընտանիք սեզոնում մի գլխին վճարում էր 25 կոպեկ. եթե հովիվը ազգատոհմի անդամներից էր, այդ գումարը, բնականաբար, վճարվում էր նրան: Յուրաքանչյուր ընտանիք ունենում էր իր նշանը՝ սովորաբար կտրում էին անասունի ականջը: Մեծ հոտի տերը ունենում էր դրոշմ:

Նորարաժան ընտանիքի համար նոր տան կառուցումը նույնպես համազգատոհմային պարտականություն էր:

Իր բոլոր հիմնական հատկանիշներով, վերը նկարագրած ազգատոհմը ոչ այլ ինչ է, եթե ոչ պատրոնիմա, որը հայտնաբերել է Մ. Օ. Կոսովենը Կովկասի շատ ժողովուրդների մեջ:

Մեր գրառած տեսքով ազգատոհմը գտնվելիս է Լեզի քայքայման վիճակում և, այդուհանդերձ, դեռևս անցյալ դարի վերջին ազգատոհմային հարաբերությունների վերապրուկային ձևերը գյուղի սոցիալական և արտադրական կյանքում չափազանց կարևոր տեղ էին զբաղում, իսկ գրանցից մի քանիսը, ինչպես արդեն ասվել է, արգելակիչ դեր էին խաղում դեռևս գյուղի սոցիալիստական վերակառուցման տարիներին:

Ազգատոհմային հարաբերությունների համեմատական կայունությունը հետազոտված շրջանում մնում է բացատրել այդ շրջանի գյուղերում տիրապետած հողատիրության ձևով: Փաստորեն առանձին ընտանիքների մասնավոր տիրության տակ գտնվող հողը համարվել է համազգատոհմային սեփականություն, որը ազգատոհմին իրավունք է տվել գյուղի ներսում կարգավորելու հողային հարաբերությունների հետ առնչվող բոլոր հարցերը:

Հողատիրության նշված ձև ունեցող գյուղերում ազգատոհմային հարաբերություններն ուժեղ էին համաձայնականից, որը, ըստ երևույթին, բացատրվում է առաջին հերթին նրանով, որ գյուղական համայնքի հիմնական ֆունկցիան՝ գյուղի ներսում հողային հարաբերությունների կարգավորումը, այստեղ գտնվել է ազգատոհմի իրավասության ներքո: